

新疆圖志卷十八



藩部三

特穆圖泊考

由北道赴回疆赴霍罕者皆以特穆圖淖爾為孔道而
 又唐以來邊徼建牙之地也按唐書出安西西羸二千里
 渡雪海北行羸千里得碎葉川唐時安西都護治龜茲
 今庫車雪海在今永嶺中當即特穆圖淖爾辨機西域
 記云自凌山行四百餘里至大清池原註名熱海又名鹹海周千
 餘里東西長南北狹四面負山眾流交湊色帶青黑味

新疆圖志

藩部志二

兼鹹苦洪濤泊濫魚龍雜處靈怪間起或云四百里或
 云西羸千里者唐書於荒徼得自傳聞辨機則身歷耳
 考之沙鉢羅陞利失可汗分國為五部左五咄陸部居
 碎葉東右五弩失畢部居碎葉西號十姓自此始以碎
 葉為宗會永淳初阿史那車簿啜反圍弓月城王方翼
 次伊麗河斬首千級俄三姓咽麴兵至魏書得嶽海東
咽蔑促護忽等國得嶽海即特穆圖淖爾也方翼次熱河分道襲之始築碎
 葉城以備四鎮武后時突騎施別種烏質勒攻取碎葉
 為大牙弓月城伊麗水為小牙開元中吐火仙居碎葉

引黑姓爾微特勒保怛羅城蓋嘉運攻吐火仙擒之自漢至隋匈奴突厥建庭皆直朔方暨唐平沙漠回紇突厥始漸移而西至高宗平定賀魯兵威極盛於瀚海設燕然都護以制北方於龜茲設安西都護以制西域又置月氏太汗等十六都督府奇沙和默等八十餘州幾收葱嶺南北大漠東西盡入版圖惜當時徒事羈縻未謀生殖不旋踵而復入回鶻遺患至今此固經營西域者爲中國留一大缺憾也蓋漢時西踰葱嶺經大宛以抵康居爲正道陳湯傳自溫宿入赤谷過烏孫涉康居

新疆圖志

藩部志二

一一

界至閩池

西聞池即特穆圖淖爾

爲間道晉法顯魏宋雲皆由和

闐而赴印度不必西遶凌山耶律文正邱長春劉郁自北來而赴霍罕又不必南踰葱嶺惟唐元奘由焉耆龜茲姑墨度石磧至凌山過大清池至素葉水城徧歷康石諸國而入天竺復由竭盤陀國東下葱嶺經和闐而歸不獨訪求佛法觀其對戒日王之語蓋欲週行西域以揚大唐威武耳元郭寶玉下擣思干城進兵亦由此始 國史剛多濟傳云阿睦爾撒納詭稱葉爾羌喀什葛爾諸回衆將襲伊犁請勿遣剛多爾濟歸令護視特

穆圖淖爾降衆車布登札布傳云乾隆二十四年夏由塔爾巴哈台赴特穆爾淖爾協剿霍集占是乃古今行軍之要道爲南北兩路之咽喉往時伊犁赴回疆換防亦出此也按西游記自賽蘭二日行至一城王亦回統也即日復歷一城又二日至霍爾河由浮橋泊於西岸按霍爾即納林河今亦有浮橋乾隆二十五年布魯特特有五托依瑪斯以造浮橋功受七品秩是也後換防同治三年中俄塔城記約遂舉西北數千里之地棄之俄人與愛琿條約之盡分興安嶺同一大錯今彼於其處阿里瑪圖設七河巡撫成爲重鎮創修鐵路不五日可達彼都北有斜米南有費干而我疆事危矣

新疆圖志

藩部志二

一三

嗚呼惜哉

珠勒都斯考

伊犁赴南疆有三道一出阿克蘇一出喀什噶爾一出喀喇沙爾則開都河其要衝也按開都河有三源一源曰大珠勒都斯河直庫車城北之汗騰格山東北百餘里有地曰阿喇爾湧泉百餘會以東流土爾扈特卓里圖汗之牧地也一源曰小珠勒都斯河出阿勒坦陰克遜之北和碩特之牧地也二水至哈爾瑪圖既合復分二枝各行三百餘里而復合始名開都河一源曰和屯

博克達水東南流經喀喇沙爾西南五里東流爲博斯騰淖爾卽水經注所謂敦薨之水二源俱導者也考唐書突厥傳永徽五年前軍蘇定方擊賀魯別帳鼠尾施於鷹婆川回鶻傳鷹婆川在焉耆西北水道記意卽開都河唐置鷹婆川都督府於此蓋以其地南接龜茲西通伊犁與安西都護所轄之十六都督府四十八羈縻州遙相聯絡誠要地也準噶爾時有沙拉斯瑪呼斯者準部二十四鄂拓克之一也居喀喇沙爾之海杜河西乾隆丁丑春將軍成衮札布參贊舒赫德由朱勒都斯

新疆圖志

藩部志二

四

進伊犁道遇克特勒烏魯特沙喇斯瑪虎斯等皆撫降其眾大軍過而復叛都統滿福中伏死又和碩特台吉子諾爾布敦多克游牧額琳哈畢爾噶擊阿逆於諾爾斯哈濟拜牲不勝偕薩拉爾間道行由珠勒都斯至巴里坤又貢格敦丹傳阿睦爾撒納叛定西將軍策楞引大軍赴伊犁貢格敦丹由珠勒都斯間道至審是則珠勒都斯爲天山南北相通之要道蓋是時大軍駐巴里坤阻於烏魯木齊故由西北兩路進則會於博羅塔拉由南路進則經珠勒都斯以偏師剪其羽翼也西陲記

畧載雍正中使臣至準噶爾行程記云自察罕鄂博圖
往小裕勒都斯九十里自小裕勒都斯往大裕勒都斯
八十里途路平坦水草豐茂兩裕勒都斯冬夏皆宜惟
季春猶雪飛糞無時遇風即結成糝自此路分兩歧取
其捷者自大裕勒都斯六十里住鄂惇庫爾山口又五
十里過鄂惇庫爾嶺取其坦者自大裕勒都斯向西南
行過烏納達罕嶺又自伊拉里克一百四十里住阿拉
癸峪口路途寬濶有碎石阿拉癸峪內河水清澈樹木
成林但行人在兩邊崖坎上下行走駝馬甚苦初十日

新疆圖志

藩部志二

五

仍在峪內六十里住過河七八次樹木稠密徑道險窄
十一日仍在峪內七十里住倚山口有土城已壞城內
鑿山爲石磴道云云按新疆識畧由伊犁東南經那喇
特達巴罕朱勒都斯山察罕通格山而至喀喇沙爾城
可馬行無軍台喀喇沙爾輿圖云西北至那喇特達巴
罕四百八十里交伊犁界識畧云惠遠城至那喇特六
百餘里而水道記所記由惠遠城經喀什河岸之都爾
伯勒津回莊空格斯河岸之烏圖嶺又踰烏努古特嶺
昌曼而至納喇特嶺又三十里至大裕勒都斯河則一

千二十里與識畧異蓋程途紆直不同耳計由烏魯木齊自托克遜至喀喇沙爾一千五百餘里由伊犁踰納喇嶺至開都河踰河即喀喇沙爾則僅一千一百餘里程途較捷東可由吐魯番而達哈密北可由大小裕勒都斯合流之哈爾沙圖即哈爾瑪圖而達鞏甯水道鞏甯城南阻阿拉葵山阿拉葵山有徑路通伊犁水道訛阿爾沙圖百九十里至胡吉爾台又五十里至哈屯博克達山又百五十里至薩勒哈郭勒又百五十里至烏蘭布拉克又六十里至達爾達木圖又七十里至烏蘭并又二十里出口至鞏甯常惟中經那喇特嶺察罕通格山不能通車若於山內開通陝隘於開都河增設渡

新疆圖志

藩部志二

六

船酌設一營置卡以衛商旅安台以通軍報西可避出凌山東可免紆戈壁將來必成孔道南北有事亦易應援如庫舍圖嶺之廿四盤道果子溝之四十八橋施功雖艱為利甚遠是亦為伊犁疆計者所當措注者爾

博羅塔拉考

博羅塔拉在伊犁城北三百餘里察哈爾牧地而昔準部策妄阿喇布坦建牙之所也初準噶爾之妻阿努有女弟曰阿海兄之策妄阿喇布坦將以為妻噶爾丹奪取之策妄怨徙博羅塔拉康熙五十四年祁里德奏我

兵進勦策妄有兩路一由布拉罕順額米爾河尋伊犁河過阿勒坦厄默勒嶺一由博克達額林哈畢爾噶進

闐厄奇嶺兩路俱至額米爾河

額米爾河出鄂勒霍綽爾山西流經塔爾巴哈

台城南注於阿拉克圖滬爾淖爾

於博羅塔拉會合乾隆二十年大兵

進征伊犁定北將軍由烏里雅蘇台出北路定西將軍永常田巴里坤出西路實會於此新疆識畧賽里木淖爾在惠遠城東北二百餘里塔拉奇嶺之北四圍皆山其北山後有地名波羅塔拉水草豐茂土地平曠西域水道記博羅塔拉河自達爾木圖小卡倫以西鄂克拓

新疆圖志

藩部志二

賽里卡倫以東長二百餘里夾河葱翠短草長林襟帶沃衍牛羊散布蓋其地川平山奧屯牧俱宜且居伊犁北面要衝故策妄阿拉布坦阿睦爾撒納皆於此分庭焉大軍既定伊犁阿逆叛逸哈薩克適喀爾喀部王青衮咱卜之變自十六台至二十九台皆撤於是輝特汗綽羅斯汗先後皆叛阿逆亦自哈薩克歸大會諸賊於博羅塔拉河欲自立為汗二十二年命定邊左副將軍成衮札布由珠勒都斯進兆惠為伊犁將軍由額林哈畢爾噶進羅卜藏多爾濟偵阿逆由博羅塔拉走阿卜

克特偕副都統愛隆阿分道馳擊抵塔爾巴哈台阿逆
遂走俄羅斯按額琳哈畢爾噶在伊犁東北四百餘里
列在祀典西域水道記博克達山尊如元首額林哈畢
爾噶如旁肋據告祭所在定爲哈屯博克達西百里之
山通漠克傳云大軍進勦準噶爾時策妄居博羅塔拉
以額林哈畢爾噶爲要隘又和碩特諾爾布敦多克游
牧額林哈畢爾噶間道由珠勒都斯至巴里坤是額林
哈畢爾噶爲博羅塔拉之前隘識畧塔勒奇山在惠遠
城東九十里嶺隘如關谷中林木茂密俗呼果子溝嶺

新疆圖志

藩部志二

八

下出泉匯爲大河經流谷中乾隆二十年北路大軍進
勦由波羅塔拉越此山之嶺卽祁里德所奏之闐厄奇
嶺也是塔拉奇爲博羅塔拉之後隘綜核諸書形勢甚
明今時由烏魯木齊赴伊犁者自鄂勒著伊圖博木台
南行沿賽里木淖爾行五十里陟松樹頭達巴罕入山
溝行三十里至鄂博勒奇爾台四十里至塔拉奇蒲台
始漸出山皆由山內行出淖爾之南若由精河赴博羅
塔拉則由山外行出淖爾之北然亦仍踰塔拉奇嶺由
三台而進伊犁乾隆二十七年辦事大臣阿桂奏言今

秋添設額林哈畢爾罕路軍台自精河博羅布爾噶蘇
雪大難行厄魯特人由塔勒奇巴達罕賽里木淖爾森
木什克等地方運送前來山路正平秋雪較少有噶爾
丹策凌時舊橋可以行走乃改由塔勒奇至托里安設
六台塔勒奇尤東西北南四路之交衝俄人前於果子
溝置戍兵今將軍長庚亦欲駐軍博羅塔拉蓋爲此爾
俄羅斯源流考

俄羅斯居西北之極邊至漢而始肇至唐而再興至明
而大盛如丁零堅昆大月氏高車骨利幹諸國皆今俄

新疆圖志

葉爾羌志卷二十一

九

羅斯吞併開拓之區而非其立國開基之地也綜覽諸
說有謂爲烏洛侯者艾儒畧識方外紀漠北國有烏洛
侯四裔考因之且言侯乃俟之形訛斯則俟之音轉改
中國字形以附外國之言俞正燮譏之是矣案魏書地
豆干在室韋西千餘里烏洛侯在地豆干之北去代都
四千五百餘里今俄羅斯去代都當二萬餘里烏齊雜
記謂以里到方位攷之無可疑者何也又謂靈徵志魏
之先居幽都也鑿石於烏洛侯國西北遣中書侍郎李
厥告祭斬樺木立之以置牲醴而還所立樺木生長成

林民益神奉與異域錄紀俄物產松樺爲多相合然今
西域樺木遍生是處葱青彌望不獨靈鍾烏拉豈皆地
證渾羅艾圖之有烏洛侯者西人譯書往往依託中史
地名時代以張大其外邦耳此不足證者一也有謂爲
烏孫者吳兆賽謂邏察一名老羗烏孫種也何秋濤遂
引大月氏由祁連敦煌遷媯水土爾扈特由雅爾徙額
濟勒河拔元王暉玉堂嘉話斷俄羅斯爲古烏孫然考
遼史會同元年尙有烏孫來賀唐時祿利哥已自立國
何爲冒稱烏孫若謂深目碧瞳虬髯相似歐洲人物大

新疆圖志

藩部志二

十

抵作如是觀秋濤又謂蓋遠徙數傳之後音轉爲幹羅
思阿羅斯以漢字書之不復知有烏孫漢西域傳有烏
秣烏音一加烏孫之烏正與俄鄂相近然孫音豈與羅
斯相近耶又言烏孫介乎匈奴西域之間兼有北方游
牧西域商賈之俗俄羅斯介乎蒙古歐羅巴之間亦兼
商牧與烏孫同然俄實居國而非行國秦夏各國自通
邛竹茹醬亦孰非遍地行商耶此不足證者二也有謂
爲吐番者四洲志峩羅斯舊國即古時額利意大里之
北邊地所謂西底阿土番也繆祐孫俄游彙編遂謂吐

番即秃髮後改爲罕勃野細審俄音稱其國曰嚕西牙
稱其人曰嚕斯格嚕斯格二子合音急呼即嚕咂吳熊
光所譯嚕咂即俄羅斯禮部則例亦有嚕咂皆就其本
國語音譯之適合嚕西牙與秃髮嚕斯格與罕勃野音
亦相諧然遍考中外諸書無稱俄爲嚕西牙者罕勃野
嚕斯格亦實非音對邊野族類大概稱番如西藏青海
松潘暨歐洲西北各種見瀛寰環皆然何獨西底阿土番
定爲樊尼遺種耶又謂按後漢書西羌氏族無定或以
父名母姓爲種號與俄先代察罕蹈襲無諱相同夷狄

新疆圖志

卷之二十一

十一

命名大抵多係其父祖之顯名以爲名如土爾扈特之
阿玉奇準噶爾之噶爾丹策凌哈薩克之黑宰各母暨歐
洲之拿破崙第三路易第十四威廉第一亦莫不然豈
皆盡爲羌種乎此不足證者三也有謂爲羅刹者

欽定方畧羅刹者俄羅斯國人也鄂羅斯僻處西北絕域其人

率皆獷野冥頑有居界上者與黑龍江相近我達呼爾
索倫人因呼爲羅刹黑龍江界上當卽雅爾薩人泥布
楚人泥布楚本布拉特烏梁海部落崇德間始併歸俄
俄羅斯至唐而已著豈得以尼布楚之羅刹人概之况

羅刹本索倫人所稱亦非俄人之自稱耶若謂同顛林圖之羅沙按顛林稱在賀蘭東北賀蘭即荷蘭去尼布楚幾二萬里若謂同唐書流鬼傳之夜叉國按夜叉國在流鬼北近北海即令俄哥德疴部去荷蘭之羅沙亦幾二萬里豈得與俄羅斯混爲一耶俞正燮附會佛書謂俄羅斯即阿修羅尤荒誕粵海關監督奏有啞咂國商人啞咂即羅刹對音粵音譯西亦殊不確此不足證者四也有謂爲怛羅斯點旻斯者考唐書西域傳碎葉城四百里至千泉西瀛百里至怛羅斯城石國傳高仙芝斬石國王王子走大食乞兵攻怛羅斯城破仙芝軍又吐火仙居碎葉引爾微勒保怛羅斯城皆今右哈薩克地近年始分屬俄其非俄羅斯舊國甚明點旻斯則直回紇牙帳三千里依貪漫山得仙娥水今猶爲半蒙半俄之地唐武宗時阿熱來朝冊爲宗英雄武誠明可汗遼時猶稱爲北方大國是時祿利格已興其非俄羅斯舊國亦甚明金時不復著見或曰元初吉里吉思即其裔或曰西徙爲斡羅思亦月氏遷媯之臆論備乘旣確指俄爲烏孫又謂艾圖之葛勒斯即一統志所引之

黠戛斯是亦自相矛盾耳此不足證者五也有謂爲殺古者謝清高海錄曰殺古國在布路牙呂宋佛郎西後伊宣各國之北疆域極大本回回種類人西洋人謂之仍波喇多猶華人言大國也唯稱中華及殺古爲然魏源謂即都魯機國殺即都魯二字之雙聲疆域大而率回教是其明證葉圭綬則謂非俄羅斯不足以當之考南北都魯機全盛時東取波斯西滅拂林實中亞第一雄國西域聞見錄之控噶爾即都魯機俄羅斯進呈書籍內有平定空谷爾方畧土實俄之勁敵楚軍定葉爾

新疆圖志

葉潘部志二

十三

羌獲乳目國數人詢之爲都魯機人資送回國乳目乃殺古之對音而葉謂殺古即莫斯科之轉莫斯科即俄羅斯之轉莫斯科即俄羅斯所謂斯科無疑殺都律切殺古之轉莫斯科是何讀耶又謂俄羅斯雖祆教然本回鶻故地故云然俄羅斯興於唐而滅於元謂爲蒙古故地猶可謂爲回鶻故地豈三皮提里普爾斯科曾亦留花門耶此不足證者六也有謂爲大食者龍沙紀畧曰俄羅斯古大食國歷今一千七百一十一年元太祖與其弟分收地其弟滅俄羅斯即以封之考大食興於

唐初有黑衣白衣兩種吞併諸國東西萬里勝兵四十餘萬東與突騎施相接北與黠戛斯相鄰昭武九姓亦爲臣屬卽今南嶽數部皆在其囊括之中然尙未能據裏海爲中原也暨俄羅斯興凡罽賓高附安息條支古國故土蠶食幾空然與大食相鄰之波斯包社俾路芝亞刺伯諸小邦猶皆自立亦尙未能收紛摩爲腹地也蓋方式濟吳光騫楊賓之書當俄羅斯尙未大顯居東談西如老羗邏車之類往往筆諸傳聞兀赤事載在元史尙誤以子爲弟况四洲之志未覩又何怪其併亞於

新疆圖志

藩部志二

十四

歐耶此不足證者七也有謂爲元裔者博明西齋偶得明興而元入沙漠遭額森之亂旣微而復繁衍鄂羅斯之察罕汗亦是太祖從子之裔考元史太祖征西域收斡羅思阿速欽察諸地封長子兀赤爲汗傳至月祖伯裔孫庫程汗當明宏治有諾落戈部人依番借兵西費耶忒國恢復俄羅斯故疆盡逐蒙古博至三十世汗征服喀山托波爾等處至波利斯王而中衰逮二十三世汗遷居彼得羅堡遞傳察罕哈屯諸名汗國勢日張般般可考傳明未見總記備考諸書故曠曠耳且以宗教

論蒙古崇黃教俄羅斯則崇希臘教以字體論蒙古名特托忒俄羅斯則名諾拉提以氏族論據俄游彙編言譯其國一千有五十四年之圖俄爲思拉完族而元後則博爾濟吉特族無一同者卽土爾扈特之留居額濟勒河者爲元臣翁罕族亦非太子兀赤裔果何據而稱爲元裔耶此不足證者八也然則俄羅斯祖國於古何徵曰其仍徵之漢之奄蔡乎考漢書奄蔡國踰康居大宛境北臨大澤無涯東漢朝改名阿蘭聊一作阿蘭那三國魏志注西戎一名阿蘭北魏時爲匈奴所滅改名粟特

新疆圖志

葉潘部志二

十五

西域傳粟特在康居西北去代一萬六千里杜佑通典粟弋後魏通焉一名粟特在安息六十里附庸小國四百餘城案蘭羅對音不言聊者聊爲尾聲或言那者那音阿那其枝之那蘭那卽羅字合音也譯其國六十二年暨一千有五十四年之圖其在波羅的海之南者有烏拉西族烏拉西當卽阿蘭西西亦尾聲而又轉爲斯西北夷音凡部名國名水名如點戛斯魯謨斯綽羅斯之類以斯爲尾聲者極多亦如烏孫之昆彌靡之糜而如職方外紀之莫哥斯末亞沒箇斯末亞異域錄之斯

科俄游彙編之斯克慈克則音遞轉而尾又增也自粟特後不見於史然歷數百年而唐之祿利格元之幹羅思明之諾落戈譯之仍皆阿蘭之對音蓋以漢字書番語其不能脗合者十之八九利瑪竇南懷仁諸圖及總紀備考全志各書又泰西人學漢文者所撰其於亞洲滿蒙回準語言文字亦不能通俄事爲古今北徼所關譎譯言人人殊以故地號國名其異尤甚然苟即方隅里至以覈其實對音合音雖有輕重緩急長短之不同而上下數千年間要亦不大相遠也今考其地則北臨

新疆圖志

藩部土心二

十六

大澤當與寬田志思相值計其里則去代安息當與彼得羅堡相符窮其世次雖亦遞有沿革而祿利格依番伯多羅汗迢遞相承是俄羅斯祖國之爲東漢奄蔡更名之阿蘭斷無疑義夫俄以一濱海大封聲名文物不通上國歷來北徼匈奴突厥回紇契丹諸大國本皆視等附庸即今歐羅巴英圭黎法蘭西諸邦始亦如春秋鄙秦擯不與盟迺忽勃焉而興滅國數十百城拓地二萬餘里幾有席卷六合囊括四海之心泱泱乎北海大風哉雖然天道無親華戎有截不能自克其將辱於乾

谿

按俄羅斯考本無涉藩部然哈薩克布魯特皆歸俄屬帕米爾安集延事又與俄相首尾故亦附於卷末新疆南北邊隘形勢考

沿敖罕之葱嶺以東迄阿勒台山分界後皆緊鄰俄境俄於額爾齊斯河以輪船溯流而上可直達阿勒台山

前額爾齊斯河北流其下流即斜米巡撫駐紮之地山後地再七里餘俄里即鄂穆舒克總督駐紮之地

與俄之托穆爾接壤山之西南賽里山之陽曰霍博克薩里為土爾扈特布延圖親王牧地在塔爾巴哈台東八百餘里見西域

新疆圖志

葉爾羌志二二

釋地霍博克薩里之東南則布倫托海也布倫托海居噶

勒札爾巴什淖爾之側一作赫色勒巴淖爾一作奇薩勒一比斯淖爾案方畧載乾隆二

十二年副都統順德納奏言正月初一日在烏隆古擒獲厄魯特巴圖詢知奇薩勒比斯淖爾相近之博洛爾

托海有哈薩克錫喇之得木齊達什札卜等藏匿其水多魚結寨住守云云博洛爾托海當即布倫托海也元

時名氣則里寺海見西域水道記烏隴古河即元時龍骨河環流其南可耕可

牧東行十二台間烏隴古河青吉斯河布爾干河察罕

河各大水兩岸豐茂再東則至科不多之沙子蓋台倚

烏蘭達巴罕大嶺為險為烏科兩城西南門戶而霍博

克薩里南去迪化州僅三百里中隔大戈壁此沙漠東

西五百里南北三百里可限敵騎然若越此長驅直抵

古城可斷烏魯木齊之後路陰平陳倉之計不可不虞

上年曾設布倫托海辦事大臣蓋亦為此耳

案張守啟字塔城圖

說上年俄人越界來布倫托海以求魚為辭窺伺路徑其意顯然自齋桑淖爾以東至哈巴河以南阿爾太山

一路皆平原坦道稍有疏防即可長驅直進由俄倫木乃旬餘東達古城南至綏來有路皆通無險可恃云

云自有爾雅爾齋桑阿勒克圖屈爾兩巨泊分歸俄界

霍博克薩里又改隸阿勒台山大臣塔城益孤懸一隅

喘息虎側西距葦塘子僅三十里

俄置於此

東則珠爾庫

珠山與俄倫濟木奈相鄰布昆圖山口去俄察罕鄂博

新疆圖志

藩部志二

卡不遠東北則瑪呢圖噶土勒干插入俄境四面楚歌

無險可扼其距城百二十里之阿魯沁達爾蘭東北接

塔爾巴哈台西南接博羅塔拉為兩界適中最要之地

亦劃歸俄且東通雅瑪圖軍臺可以斷塔城赴庫爾哈

喇烏蘇之路則又亟宜設兵者也博羅塔拉為伊犁之

前障塔勒奇嶺為伊犁之中權而霍爾果斯河距惠遠

僅一百十里越河七里即俄之薩瑪爾置戍設官為通

商貿易之孔道西南之塔奇勒罕卡倫與俄擊拆相聞

山南之特克斯川又與俄犬牙相錯上年俄人欲於阿

托克伯克邁喀蓋察該納林廓拉去甯遠城六七百里廓爾札忒

係光緒九年所設之第十八道鄂博迤東五十里為烏宗島山東北為錫伯營屯田正東為纏回子水源距

甯遠城一百二十里改行商路蓋一欲奪木素爾嶺之險一欲侵

特克斯川之腴幸疆臣力阻而止紅城市而北寇入澳

門假而西舶來涓涓不塞即為江河尺距寸爭勿以其

微而忽之也善塔斯巴爾琿兩大嶺昔通南疆其險已

失而烏什西北畢底爾卡外與俄之阿里瑪圖僅隔一

山西商徑布魯特開展有通喀什噶爾之捷徑自喀什

噶爾東北巴爾昌卡倫至葉爾羌南奇靈桑珠諸卡倫

新疆圖志

葉爾羌部志二

十九

皆與布魯特界相連而喀什噶爾之喀浪圭烏帕爾英

吉沙爾之圖木舒克卡倫皆昔浩罕屢次犯邊之路也

喀什噶爾之烏魯克恰提為中俄通商之孔道塔克敦

巴什為小帕入疆之總路而改子居其中舊為辦事大

臣十二卡倫之一領以待衛今則守以士卒此又喀什

噶爾通帕米爾之要區也山川險易恒因時勢為轉移

全疆隘要雖不盡此而亦無多滲漏爰係諸篇末以備

籌邊者之一助云

